

## Kev Suav Pejxeem 101

**Yog muaj lus nug dab tsi? Hu rau peb tus npawb pab cuam kev suav pej xeem ntawm 844-2020-API rau kev txhawb nqa hauv Lus Askiv thiab lwm hom lus. Mus Saib [www.CountUsIn2020.org/hotline](http://www.CountUsIn2020.org/hotline) rau cov ntaub ntawv ntxiv.**

Txhua txhua 10 lub xyoo, toom fwm Teb chaws Meskas yuav suav kom paub txhua txhua tus neeg nyob hauv Teb chaws Meskas, los ntawm qhov kev suav pej xeem. Qhov kev suav pej xeem yog ib co lus nug luv luv uas nug txog koj yim neeg thiab cov neeg nyob hauv koj yim neeg. Koj cov lus teb yuav muab ceev tsis pub lwm tus neeg paub.

Kev suav pej xeem pib thaum lub ib hlis ntawm tej thaj chaws deb hauv Alaska, thiab cov tsev neeg feem ntau yuav tau txais lawv cov ntawv caw kom teb hauv **Lub Peb Hlis 2020**. Nco ntsoov kom suav tau koj rau hauv sub koj thiaj li yuav tau txais kev pab thiab kev sawv cev ncaj ncees raws li qhov tias muaj pes tsawg tus pejxeem!

### Kev suav tau koj rau hauv kev suav pejxeem yuav pab koj thiab koj tsev neeg.

- Cov ntaub ntawv teev los ntawm kev suav pejxeem yog cov ntaub ntawv yuav muab siv coj los faib cov nyiaj ntau tshaj **\$1.5 phav phav dollars** ntawm toomfwm cov nyiaj siv rau cov kev pab tseemcee, xws li, tsev kawm ntawv, tsev cia ntawv, nyiaj muag noj (food stamps), thiab kev khomob.
- Thiab cov ntaub ntawv teev los ntawm kev suav pejxeem los kuj tseem yuav muab coj los siv rau kev faib cov neeg sawv cev pejxeem hauv Xab Pha, nyob rau hauv koj lub xeev lub hauv paus nomtswv, thiab cov rau hauv cov zos loj thiab zos me thoob lub tebchaws; yog suav kom meej hlo txhais tau hais tias muaj kev sawv cev ncaj ncees rau koj lub zejzoz.



### Koj cov lus teb rau hauv qhov kev suav pejxeem yuav muab ceev tsis pub leej twg paub.



Kev Suav Pej Xeem 2020 yuav TSIS nug txog koj cov ntawv ua neej xam xaj los yog saib koj cov ntawv tsiv teb tsaws chaw nyob li qhov twg lawm. Lub Chaw Suav Pej Xeem yuav txwv tsis pub muab koj cov ntaub ntawv teev tseg qhia rau lwm cov koomhaum nomtswv, cov neeg ua hauljwm tuav ntawv tsiv teb tsaws chaw, los yog rau pej xeem paub txog. Muaj cov cai nruj los pab tiv thaiv koj cov lus teb tuaj kom tsis raug muab qhia tawm rau lwm tus paub! Cov lus teb tuaj rau kev suav pejxeem tsuas yog muab siv los rau cov homphiaj teev kev suav nkaus xwb.

### Kev teb cov lus nug rau kev suav pejxeem yog ib yam ua tag sai thiab yoojyim.

- Koj yuav mus teb cov lus nug nyob rau hauv online los tau.** Lub Chaw Suav Pejxeem yuav xa cov lus pab qhia tias koj yuav mus teb li cas tuaj rau koj thaum txog nrab hli ntawm **Lub Peb Hlis**

**2020.** Nkag mus rau hauv lub chaw suav pejxeem lub vas sab, muab koj yim neeg tus ID ntaus rau hauv, thiab mam li teb cov lus nug.

- **Koj yuav teb tau nyob hauv xov tooj.** Hu xov tooj mus rau Lub Chaw Suav Pejxeem los mus teb cov lus nug hauv xovtooj, thiab thaum koj muaj lus nug txog kev suav pej xeem.
- Yog koj tsis teb qhov kev suav pejxeem cov lus nug hauv online lossis hauv xov tooj, lub Chaw Suav Pejxeem yuav muab ib **daim ntawv muaj cov lus nug** xa hauv tsev xa ntawv tuaj rau tom koj tsev.

Yog tias koj tsis teb rov qab, pib thaum Lub 5 Hlis 2020, tej zaum lub chaw suav pejxeem ib tug neeg ua haujlwm yuav tuaj nug koj nyob rau ntawm koj lub tsev. Koj tseem yuav tau teb tau rov qab nyob rau hauv online lossis hauv xov tooj mus txog thaum Lub Xya Hlis 2020.

## **Yuav muaj neeg txhais lus pab rau qee yam lus.**

Cov lus nug nyob hauv online thiab hauv xovtooj yog muaj hais ua Lus Spanish, Suav, Lus Nyablaj, Lus Kauslim, Lus Lavxia, Lus Arabic, Lus Fislispeej, Lus Polish, Lus Fabkis, Lus Haitian Creole, Lus Portuguese, thiab Lus Nyij pooj. Lub Chaw Suav Pej xeem tab tom tsim cov lus txhais, cov npav qhia tias yog yam lus dab tsi, thiab cov ntawv pab qhia hais ua 59 yam lus ua tsi yog lus Askiv uas muaj nyob ntawm [www.2020census.gov/en/languages.html](http://www.2020census.gov/en/languages.html).

*Koj yuav mus nrhiav tau ntaub ntawv qhia ntxiv txog kev suav pejxeem nyob rau ntawm [www.CountUsIn2020.org/resources](http://www.CountUsIn2020.org/resources).*

